



Èsse ki ça nos pind èto au néz ? Dins on ospitau dès Britanikès îles, l' tchirurdjin k'èstéve ocupé à z-apontiyî l' kandjmint d' ène antche a stî oblidjî di s'sièrvu d'on *kilî à cafeu* à l' place di l'osti *k'il lî* faléve. L' administreu n'avéve nén volu dispinser 240 Uros po l' achter ! C'èst-i po çoula k'lès inglès s' vègnenut fé sognî amon nos ôtes ? Oyi-da, mins c'èst èto pask'is duvnu ratinde mwins lontimps po z-awè leû tou. K'i z-è profitenuche rade, si ça continuwe dsus l' minme voye dès "kwotas", dins sakants anêyes on s'va ritrover à fé l'file amon lès baurbîs èt lès signeus po s'fé sognî à timps è eûre...

*

C'èst drole, mins on a dins l' idêye k'tant k'è l' Amèrike come è l' Inglètère on sèra capâbe di dèfiler "conte" sins s'ritrover dsus ène place *Tiène âne Mèn*, on *mètrâ Tchèrone*, o minme on *Grâce Bèrleû*, on pout co awè dèl confyance. L' èst vrêy ètou k'lès kandjmints vont rade...

*

L'universêle compète ?

Kand on vwèt tos lès calindjaedjes ki toûnenut à rén èt lès grossès comussions ki s' èwissenut dins lès politikes browisses, on s' vénrève à s'dimander si ?... D'on ôte costé, on n'avéve nén tant ranné po l' Lèyon... L'èst shûr èto k'i n'avéve rén à vîre avou dès massakes come Iwo Djimâ, Nagâzakî, Gwèrnikâ, Drèse o co (... au chwè !)

*

Isâk Nouûton, a côze d'ène pome dsus s' mouzon, s' avéve rindu conte d' l'universêle grâvitè ki fait k'tos lès cwârs s' atirenut (c'èst don po ça, k' vosse vijin/vijène ?...) C'k'on n' savéve nén, c' èst k'il a èto carculé ki l' fén d' nosse monde èst po l'an 2060. Por li, c' èst c't' anêye là, k'va s'passer l'bate d' Armâguèdinne ki va tot nos foute è l' èr èt nos doner 2.000 ans d' mwinnaedjes pa lès arkandjes. Bon, vs avèz ptète co l' timps d'fé vos bagaedjes èt lès comussions po vos provusions, por nos c' èst trop taurd, kwèki...

C'èst kand on n'a pont d' idêye k'on s'pout bate po do pétrole ?

*

I n'vos faut nén confonde lès bâcèles di tchèrbon èt lès bâcèles di cok. C'èst come si on maxhève lès bèssèles di fosses èt lès bètchètes di coches !

*

C'n'est nén passk'on pout èvoyî dès siminces di clau pa l' posse ki n'si faut nén mète à iute dès sipites di glètes amon lès wêteus d' **sèrés cintes** come pou lès **gârdes d' amigo**.

*

K'ène suwêye ! V'la k'lès 7,1 au cint da Frère dins Suwèz baxhenut à l' Bouÿsse ! Tiwandje fait d'pus d' brût k'Sèrè. C'èst paski l' corant blawtinérvè di pus ki lès platènes ? Èlèktrâbèle bawe èt nos on bauye...

*

Au mwins lon vos ratchèz, au pus auji on a vos côper l' xhouflot ? On pout todi mète li bouwêye à curèdje, mins lès cûrèyes èt leus puwêyes polenut ratinde.

*



N' vola-t-i nén k'lès mèrmoléns à vént, ls èolyinnes, dèdjà racuzêyes d'maxhurer lès vuwes dès djins sont mostrêyes do dwèt pask'èles vont brouyî lès ondes po l' posse èt nos bwèsses à z-imaudjes. Parètréve k'i va falu lès rdobler pa dès pilânes d' antènes di ricassaedje dès Èrtzyinnès rôyes. Bahhh, on lès pout todi rascouvièt d' vêt avou dèl rampioule... Èt si on s' è sièrvéve èto po s'asayî à l' gripète dès monts ? Minme k'avou dès ponts d' sindjes lès raloyant on poréve djouwer à Tarzan. Enndon, Djane ?

*

Cauzant d' ridobaedjes, è l' Amèrike i gn'a asteure ène lwè conte li clonnaedje dès djins. C' èst bén fait po nos rassûrer, on a dèdjà yeut *Bouxh Prumî, Bouxh Deus*, asteure on èst prèski shûr di n'pont awè di ridobaedjes di Bouxh-Bouxh. Èstèz shûr ?

*

D'après Mark Ferrâ, k'a bouté po on lîve dsus l' *colonialissaedje*, lès payis d' Urope ont stî ènondés à ça pask'i volîne prêchî l' boune parole, voye do payi, discouviè do novia, divnu fwârts, gangnî dès caurs, si sitinde... Po lès françès ça n' sèréve ki l' astchèyance èt l' goût di s'mète è dandjî. Au djoû d'audjourdu, l' volté d' batîjî n' sèréve pus dins lès idêyes... oyi-da, kand on vwè lès invîyes di s'cobate tot dîjant "*Diè avou nos*"... (L' noer lîve do colonialisme, amon Laffont)



**DOVIÈ S'LÎVE, SAWÈ È
FOUYÎ LÈS PAEDJES
SINS CAFOUGNÂDJES
ÈT BÉN LÎRE INTE LES
RÔYES...**

L'ôtayîr ont nos cauzéve branmint dès bidons d' radio z actîvèyêyès mannèstés k'avîne dès crayes èt dès crévaudes. Ène sakwè come 2.368 d' cès èrunîyès boubounerîyès èstîne co à trinner sins pont, po l' momint, d' problinmes. Èwou sont-èles asteure ? Dins ké trau nos lès va-t-on sititchî po è fé profiter nos arîres valèts d' l' après Armaguèdinne ki l' Noûton nos a promètu po bén rade. A mwins ki ls arkandjes, zèls, arons l' mwin po z-î fé cki faut ?

*

A tot z'azar. On l' sait ki l' Ministère dèl Cultûre ni fait k'wêre po lès sicrîjeus (= è l' françès, po ls ôtes c'èst co mwinsse) mins l' fonds dès *infovoyes* di l' Adjince dèl Francophonêye a mètu dès indjoles (èt dès caurs) po k'dès èditeus swisse, canadyin, turk, bèninwè, marokin, malyin èt bèlje s' apontinîyenuchisse on mwè à bouter dsus l' aragnerîye

po z-î mète sins rûshes dès tècses di djonnes ôteus – *payîs* tètros parêy. A kand d' l' aspalaedje po lès sicrîjeus è l' walon ? (Po z-è sawè d'pus vèyoze amon www.lucpire.be ki mwinne li djeu)

*

On a z- à tanawète bén volu sicrîre à RABULÈTS. Dès Elètes, vola sakants bokèts rissatchîs foû :

« *I'm afraid I wasn't able to deliver your message to the following addresses. This is a permanent error; I've given up. Sorry it didn't work out.* »

« *Inte li Fev06 èyet l' Fev07 i-gn a pont d' pådje 24. Eski dj'a manké ene sacwè... eski dj'âreu rovî d' payî mi abonmint ???* »

« *The following addresses had permanent fatal errors ---< >(reason: Can't create output)--- Transcript of session follows -----Quota exceeded for user ...* »

« *Mande escuzes d' aveur stî si londjin, dj' a stî vormint foirt ocupé, dji prindrè ene miete di tins dmwin po lere les câzu deus moes di târdjaedje ki s' ont amonçlés dins m' boesse às emiles.* »

« *Alors encore une fois j'ai un petit peu compris mais pas assez pour répondre au calcul ! Et donc à la première page du prochain mois ! En plus il va me falloir du temps pour déchiffrer l'horoscope "chinois-wallon"* »

« *djé sty su vo site ,très ben fai d'ailleurs,et djé veiu el nom d'm granpère (...)* »

qu'estai tanneu à rue d' Oignies à aiseau, »

« *Asteûr, dji sos l'mitan do timps èwouye lon è ri, mins dji saye todi di lire one miète su qui vos djoz.* »

« I am Laurent Mpeti Kabila (Jnr) the second son of Late President LAURENT DESIRE KABILA the immediate Past president of the DEMOCRATIC REPUBLIC OF CONGO in Africa who was murdered by his opposition through his personal bodyguards in his bedroom on Tuesday 16th January, 2001. I have the privilege of being mandated by my father colleagues to seek your immediate and urgent co-operation to receive into your bank account the sum of US \$10,000,000(ten million Dollars) »

« *Et bondjou a vos. C' est djusse on ptit mot po vos dire ki dji su binçhe di rvey Rabulets, et del rivey dins m' boesse a tins a eure.* »

« Dji n' sai nén si ça vos va fwai plajhi mins, vormint, po l' ci ki vout lere ene sacwè d' nou è walon (come mi !) èt ki rexhe co sovént... vos cnoxhoz ene sacwè d'ôte ki l' RABULÈTS vos ? Asto d' ça, i m' fât dire ki c'est foirt Bén fwait avou ene clapant nindje di gazetîs ki dmoret a l'awête di tot çu ki s' passe sol daegn. Mi, c'est çu dj' inne pa-tt avâ tot dvins l' RABULÈTS, c'est cwand on-z î câze des grandes èt des p'titès novèles do monde (metans çu ki schôpeye les Clinton

et les Dussolî). Si dji dvreu fwai ene tchuze inte on abonmint-papî po dijh ans al Dierinne Eure et on ciber-abonmint d' shijh moes à RABULÈTS, dji n' balzin'reu sheur nén lonmint. »

« *Je viens de visiter votre très beau site et découvre que vous possédez de très beaux documents concernant ... : comme je projette de mettre à jour mon ouvrage consacré à ce peintre pour une prochaine édition, je vous serais très reconnaissant si nous pouvions nous rencontrer afin de compléter mes informations.* »

« mi, dj' a todi veyou vosse gazete éndjolieke Bén voltî, paski: 1. i gn a nole ôte del minme cogne; 2. gn a des dominnes etirs ki n' avént mây sitî djondous pa les scrijhaedjes e walon (l' erotisse, li dessin po s' fote des politikîs, li tuzaedje tos les djoûs). 3. elle n' est nén aloyeye a ene coine del Walonrye, ni a on scrijhaedje dogmatike; eto, elle apresteye li grand bodjaedje des idêyes sol walon ki va ariver onk di ces djoûs. Asteure ki dj' les rçû dins mi boesse à emiles, dji les mete so papî et les lire e tournêye.»

« *Il faut répondre pour les statistiques mais dje na ren compris !!!* »

« Je ressens tous mes manques vis-à-vis du wallon. J'essaye de les corriger au niveau de la rédaction de T... Je dois dire cependant que j'ai fort

utilisé le premier livre wallon entier que j'aie lu cette année càd Sodâr di 40. Voilà, c'est un commencement. Je suis de plus en plus convaincu de l'importance du wallon. Ce que je voudrais peut-être, c'est que l'on écrive sur la Wallonie en wallon, non pas seulement pour avoir une occasion d'écrire mais par nécessité de le faire. Comme Hendschel l'a fait avec son poème sur Lahaut car ce texte est nécessaire et doit être lu en wallon. Je me rends compte que ce que je dis est exigeant et que je n'ai le droit de formuler cette exigence qu'en fonction de mon amour de la patrie commune. »

« *grand merci di cotinouwer li floriconte di Noersipene* »

« Co mèrci brâmint dès côps pou lès nimèros d' Rabulèts lu dèssin du l' pâdje 10 èst vrêmint r'san.nant. C'èst dou grand ârt ! Alaboneûre èto po Noerspene. »

« bondjoû, pou tot dire djè va wére, wére su l'internet, fôte di timps èyèt d'agrès pou ç' djédole la qui n' va né souvint come i fôt. Pou l' rèese, djè n'é pont d' novèles, brêf... mins dj'é asséz d'ouvradje »

« Oui garder moi dans votre calepin. Qui ça vos vaye bin! »

« RABULÈTS. I-n ârè insi pol mons ene sacwè d' clapant tot à long d' l'anneye. »

“Pou no p'tit fieu qui no vént deûs coûps dins 'l sèmène, c'èst co trop

timpe (2 ans). Put-ète lès fiyes dè no fiye, mès 'l walon 's pièd pou yeûsses. Èm bia-gârçon leû z-a drouvu in adrèsse què vo vyéz drolà pa-dzeûr, èyèt djè leû chkrî in p'tit mot droci pa-dzou :



"Oufti ! Si nos contant Bén, ça nos fait . è pont d' timps (?) ène sakwè come 16 Èlètes. A l'aune do *Yomuri Shimbun*, tot conté tot rabatu, on duvréve awè po l'mwinsse dins lès 100.000 shûveus ! K'ça vos èspêche nén d' VOS nos èvoyî l' vosse d' idêye, si vos n'l' avèz nén co fait... On z-è glète d' avance. Èt dire k'i gn'a co dès djins ki s'plindenut k'i gn'a pont d' lîjeus walons... Fauréve valu. ☺

Po l' plêhji ène pitite rèclame :

TURLOUGH, on grope di tradicionèle musike irlandèse, li vinrdi 21 d' mârs à 20 e 30 èt l' dîmègne 23 d' mârs à 16 e 30 (èfants bénvnus) au "Bouche à Oreille" 11 reuwe Félix Hap, 1040 Bruxelles. Réservacion conseylîye (djuk'a l' 19 di mârs) : 02/520.20.09 o co à F.E.de.Wasseige@cyclone.be – Intrêye : 10 Euros solîs (- d' 25 ans) : 7 Euros Èfants (- 12 ans) : 5 Euros (djuse li dimègne 23 d' mârs)

Asteure, dès pitites sakwès k'lès soris non nén d' trop bètchî :

Bén rade 43 ans kça trinne dins l' gurnî... Ptète ki Rabulèts rèxhe di sakants d'cès lîjaedjes ? (Vèyèz l' date, à costé, au dzeu)



Vêci, co ène sakwè foû dès vîjerîyes, on dèssin ki dwèt awè parètu autou dès anêyes 50 dins lès paedjes do "Face à Main" odobén do "Pourquoi Pas?". I rprind do sint sins au djoû d' audjourdu k'on nos racauze dès astantches aus ètudes po lès mèdes ki sèrîne branmint d' trop (?) à

nos volu sognî. Vola c'ki ça dijéve : "*Vosse c... euhh.. ca... èst vrêmint à peur(ti). Dj'a priyî sakants d'mès compèteus confrères di vinu z-î taper on ouy èt dner leus idêyes...*"

(Sès ouy ont blawtiné èt ça m'a fait blamer. "Ké bolau vs avèz" m'a-t-èle rît dins m' néz . – Wêta-Ti-Kil-Tchéen-Tagne)